



Bwletin GwE




Diolch Ysgolion Thank You Schools



Rhannwch ein bwletin â thîm staff yr ysgol i gyd ac anogwch eich holl gyd-weithwyr i ymuno â'n [rhestr bostio](#).

Canolfan Gefnogaeth GwE


Mae canolfan gefnogaeth GwE yn cynnwys yr holl adnoddau sydd wedi eu creu gan ysgolion y rhanbarth i gefnogi'r dysgu drwy'r cyfnod heriol hwn a hefyd yr adnoddau sydd wedi'u creu gan GwE i gefnogi ysgolion a dysgwyr. Bydd y ganolfan yn cael ei defnyddio i rannu adnoddau gydag ysgolion o hyn ymlaen ac yn cael ei diweddarau yn rheolaidd, felly sicrhewch eich bod yn ymweld yn aml i weld yr adnoddau diweddaraf. Mae'r ganolfan yn cynnwys dogfennau, cyflwyniadau, fideos a dolenni sydd yn ddefnyddiol ar gyfer holl ysgolion y rhanbarth. Gallwch ymweld â'r ganolfan drwy fynd i [wefan GwE](#) a chlicio ar '[Canolfan Gefnogaeth GwE](#)'.



Canolfan Gefnogaeth GwE

Cysylltu â GwE

Rydym yma i helpu! Rydym ar-lein ac wrth law i gefnogi ysgolion a llywodraethwyr. Cysylltwch â ni ar post@gwegogledd.cymru ac fe atebwn cyn gynted ag y bo modd.



Cynnig Proffesiynol GwE

Dilynwch y [ddolen hon at Gynnig GwE](#) ar gyfer y flwyddyn 2020-2021.

Mae Cynnig GwE, sy'n cynnwys holl fanylion am yr hyfforddiant datblygiad proffesiynol y mae GwE yn ei gynnig ar gyfer y flwyddyn nesaf, bellach yn fyw ar G6 [<https://g6.gwegoglededd.cymru>].

Er mwyn cofrestru i fynychu'r hyfforddiant sydd wedi'i restru, bydd angen i holl staff yr ysgol greu cyfrif personol yn G6. Mae modd gwneud hynny drwy ddilyn y [ddolen hon](#) a chlicio ar y botwm 'Cofrestrwch Nawr'. Gweler y cyfarwyddiadau [yma](#). Sicrhewch eich bod yn cofrestru ar G6 o leiaf 48 awr cyn y dyddiad cychwyn.

15/04/2021 - 28/05/2021

DYDDIAD CYFRWNG

Fforymau i Athrawon Saesneg (ar agor i bob athro/athrawes, unwaith bob hanner tymor)	21/04/2021	Saesneg
ANG-Gweithdy Diwrnod 3: Asesu ar gyfer Dysgu - prosiect Shirley Clarke	25/05/2021	Cymraeg
ANG-Gweithdy Diwrnod 3: Asesu ar gyfer Dysgu - prosiect Shirley Clarke	26/05/2021	Saesneg
ANG-Gweithdy Diwrnod 3: Asesu ar gyfer Dysgu - prosiect Shirley Clarke	27/05/2021	Dwyieithog
ANG-Gweithdy Diwrnod 3b: Cymhwysedd Digidol i ANG	27/05/2021	Cymraeg
ANG-Gweithdy Diwrnod 3b: Cymhwysedd Digidol i ANG	28/05/2021	Saesneg


Rhaglen Datblygu Darpar CALU

Mae **Cylch 3** y Rhaglen Datblygu Darpar CALU yn cychwyn ym Medi 2021.

Y dyddiad cau ar gyfer ymgeisio yw **18 Mehefin 2021**.

Cliciwch [yma](#) am wybodaeth am y Rhaglen a'r dull ymgeisio.

Ceir rhagor o fanylion yn y [fideo](#).



Newyddion a Gwybodaeth GwE

Hyfforddiant Proffesiynol ar Addysg Ariannol

Gwahoddir pob ymarferydd sydd yn gweithio gyda dysgwyr 9 i 12 oed i gymryd rhan ym mhrosiect Braenaru Cymru. Bwriad y prosiect yw rhoi cyfleoedd i ymarferwyr ddatblygu'n broffesiynol er mwyn cefnogi gwybodaeth, sgiliau ac agweddau eu dysgwyr ym meysydd allweddol addysg ariannol. Ariennir y prosiect gan y Gwasanaeth Arian a Phensiynau ac fe'i gyflwynir gan Young Money gyda chymorth GwE dros dymor y Gwanwyn a'r Haf, 2021. Darperir hyfforddiant, adnoddau a chymorth parhaus yn rhad ac am ddim i bawb a fydd yn cymryd rhan, a thelir costau llanw hefyd. Am fwy o wybodaeth, cliciwch [yma](#)

Adnoddau STEM

Ydych chi'n chwilio am ffordd gyflym a hawdd o gael gwybod am adnoddau am ddim i'ch cefnogi i addysgu gwyddoniaeth a thechnoleg? Mae GwE yn gweithio gyda STEMpowered Learning i roi fersiwn ddwyieithog i ysgolion o'r diweddariad rheolaidd hwn am adnoddau. Cofrestrwch ar gyfer ein taenlen fisol am ddim yma: <http://eepurl.com/dMy9VQ>



Diweddariad SAFMEDS

Mae adnoddau newydd i gefnogi defnyddio strategaeth rifedd SAFMEDS yn yr ysgol ac yn y cartref bellach ar gael i'w lawr lwytho o [Ganolfan Cefnogaeth GwE](#).

Bydd **Kaydee Owen** (Swyddog Cefnogi Ymchwil) yn cynnal sesiynau galw heibio (rhwng 9yb a 5yp) ar y dyddiadau hyn:

Trefnwch amser un i un ar-lein: <https://calendly.com/safmeds/drop-in>.

• 15 Ebrill • 10 Mai • 8 Mehefin

I gael unrhyw gymorth ychwanegol tu allan i'r dyddiadau neilltuol hyn, anfonwch e-bost at kaydee.owen@bangor.ac.uk.

Ar gyfer unrhyw athrawon neu staff cymorth sydd eisiau hyfforddiant SAFMEDS llawn ar-lein, gwylwch y [fideo sydd yn cyflwyno addysgu manwl a strategaeth SAFMEDS](#).

Gwybodaeth ac arweiniad Llywodraeth Cymru

Beth sydd yn newid gydag Addysg Cydberthynas a Rhywioldeb (ACRh)?

Er mwyn cynorthwyo ysgolion a lleoliadau i ymgysylltu a chyfathrebu â rhieni ar Addysg Cydberthynas a Rhywioldeb, mae Llywodraeth Cymru wedi cyhoeddi'r daflen wybodaeth [hon](#).

Asesiadau Personol

OEDDECH CHI'N GWYBOD?

Gwybodaeth hanfodol am asesiadau personol yn 2020/2021

- Bydd y gofyniad i gynnal asesiadau personol Rhifedd (Gweithdrefnol) a Darllen ar sail 'ymdrech resymol' yn parhau am weddill y flwyddyn ysgol hon.
- Mae hyn yn gosod dyletswydd ar ysgolion i wneud eu gorau glas i gynnal asesiadau ar bob dysgwr perthnasol **Ile bo'n ymarferol gwneud hynny**, a chan ystyried yr **hyblygrwydd mwy o ran datgymhwyso**, gan gynnwys ar sail lles, fel y mae [adendwm pwysig i'r llawlyfr gweinyddu](#) yn ei nodi.
- Mae defnyddio asesiadau personol i gael gwybodaeth am sgiliau darllen a rhifedd dysgwyr er mwyn eu cefnogi o ran eu hanghenion a'u cynnydd yn **rhan o'r canllawiau dysgu diwygiedig i ysgolion** o 15 Mawrth.
- Gellir trefnu asesiadau ar yr adeg sydd fwyaf priodol i ysgolion. Mae asesiadau ymglyfarwyddo ar gael i ddysgwyr eu defnyddio ar unrhyw adeg.
- Mae'r **adroddiadau ar yr asesiadau Rhifedd (Gweithdrefnol)**, sydd ar gael y diwrnod ar ôl yr asesiad, yn cynnwys adborth ar sgiliau a chynnydd, ynghyd â sgorau sydd wedi'u safoni yn ôl oedran.
- Mae'r adborth ar sgiliau yn dilyn yr asesiadau Darllen ar gael y diwrnod ar ôl yr asesiad. Bydd y **sgorau Darllen a fydd wedi'u safoni yn ôl oedran** ar gael erbyn dechrau tymor yr hydref os bydd nifer digonol o ddysgwyr yn cymryd yr asesiad Darllen cyn diwedd y flwyddyn ysgol.
- Gofynnir i ysgolion ddefnyddio eu barn broffesiynol ynghylch yr amseru a'r dulliau mwyaf priodol o rannu adborth ac adroddiadau â rhieni a gofawyr.
- Cynhelir profion treialu Rhifedd (Rhesymu) yn ystod tymor yr haf. Mae'r gwaith treialu yn agored i unrhyw ysgol sydd am gymryd rhan. Ni fydd asesiadau rhesymu yn statudol nes 2021/22.
- Ni fydd unrhyw brofion papur statudol pellach.**

Os oes gennych unrhyw gwestiynau ynghylch sut i gael gafael ar adroddiadau neu amserlennu asesiadau, gallwch gysylltu â'r ddesg gymorth ar gyfer asesiadau ar 029 2026 5099 neu cymorth@asesiadaupersonol.cymru

Defnyddio'r adroddiadau ar asesiadau i gefnogi'r addysgu

- Diben yr asesiadau personol yw darparu dealltwriaeth o sgiliau dysgwyr a chefnogi cynnydd unigolion. Bydd amrywiol adroddiadau yn eich helpu gyda'r gwaith cynllunio.
- Mae'r **adroddiadau ar yr asesiadau Rhifedd (Gweithdrefnol)**, sydd ar gael y diwrnod ar ôl yr asesiad, yn cynnwys adborth ar sgiliau a chynnydd, ynghyd â sgorau sydd wedi'u safoni yn ôl oedran.

- Mae'r adborth ar sgiliau yn dilyn yr asesiadau Darllen ar gael y diwrnod ar ôl yr asesiad. Bydd y **sgorau Darllen a fydd wedi'u safoni yn ôl oedran** ar gael erbyn dechrau tymor yr hydref os bydd nifer digonol o ddysgwyr yn cymryd yr asesiad Darllen cyn diwedd y flwyddyn ysgol.
- Mae adroddiadau ar gyfer dosbarthiadau a grwpiau blwyddyn yn dangos **proffil y grŵp o ran cyrhaeddiad** mewn rhifedd neu ddarllen, a hefyd yn dangos **cryfderau cymharol y grŵp mewn gwahanol feysydd sgiliau**.
- Yn 2020/21, gofynnir i ysgolion ddefnyddio eu barn broffesiynol ynghylch yr amseru a'r dulliau mwyaf priodol o rannu adroddiadau â rhieni a gofalwyr – gweler yr [adendwm pwysig i'r llawlyfr gweinyddu](#).
- Ar y wefan asesu, ceir **fideos cam wrth gam** ar ddefnyddio'r system, a **gweminarau** ar sut i fanteisio i'r eithaf ar adroddiadau. Bydd y gweminarau yn eich helpu i **ystyried sut y gallwch ddefnyddio'r adborth ar yr asesiadau** a'r adroddiadau cynnydd i gefnogi'r dysgu a'r addysgu.
- Os oes gennych unrhyw gwestiynau ynghylch sut i gael gafael ar adroddiadau neu amserlennu asesiadau, gallwch gysylltu â'r ddesg gymorth ar gyfer asesiadau ar 029 2026 5099 neu cymorth@asesiadaupersonol.cymru.

CBAC: Asesiadau Personol - Deunyddiau Cefnogi a Dysgu Proffesiynol

Mae CBAC, sy'n gweithio mewn partneriaeth ag AlphaPlus ar ran Llywodraeth Cymru, wedi datblygu cyfres o ddeunyddiau dysgu proffesiynol i gefnogi ysgolion ac athrawon wrth iddynt ddefnyddio'r Asesiadau Personol.

[Cliciwch yma](#) am ragor o fanylion.

Sefydlu dull ysgol gyfan o ymdrin ag iechyd a lles meddyliol

Mae'r [dull ysgol gyfan](#) yn ymwneud â chefnogi lles emosiynol a meddyliol da drwy sefydlu cydberthnasau cryfach:

- rhyngoch chi a'ch athrawon; a
- rhwng rhieni, teuluoedd, gofalwyr, ac unrhyw weithwyr proffesiynol sy'n gweithio gyda'r ysgol


Mae ein fframwaith statudol newydd yn cefnogi pawb i sicrhau bod iechyd meddwl a lles emosiynol cadarnhaol pob dysgwr ac aelod staff wrth wraidd pob ysgol.

Gwybodaeth a Chanllawiau gan Eraill

Llais Dros Gymru

MEITHRIN PARTNERIAETHAU GYDA'R ACADEMI GENEDLAETHOL AR GYFER ARWEINYDDIAETH ADDYSGOL

Ymunwch â Llais Dros Gymru, y sesiynau rhyngweithiol ar-lein newydd a gynlluniwyd ar gyfer arweinwyr ysgolion mewn rolau arweinyddiaeth uwch yng Nghymru. Cewch gipolwg ar waith yr Academi Arweinyddiaeth, clywed oddi wrth Gymdeithion yr Academi sy'n gweithio yn y system, a chyfle i rannu eich meddyliau a'ch syniadau yn y sesiynau anffurfiol hyn, a fydd yn cynnwys cyflwyniadau a grwpiau trafod. Felly, ymunwch â'r Academi Arweinyddiaeth am 45munud a helpwch i lunio dyfodol arweinyddiaeth yng Nghymru. Dyddiadau a manylion cofrestru ar gael [yma](#).



Mae amser yn brin i addysgwyr yng Nghymru ddweud eu dweud yn yr arolwg gweithlu mwyaf erioed

Mae Cyngor y Gweithlu Addysg (CGA) yn gwahodd dros o 80,000 o ymarferwyr cofrestredig i gymryd rhan mewn arolwg sy'n ceisio cael dealltwriaeth fanwl o'r prif faterion y maent yn eu hwynebu yn eu swyddi.

Nod yr arolwg, sydd yn cymryd 10 munud ac yn cau ar 20 Ebrill 2021, yw casglu profiadau ymarferwyr ynghylch materion megis baich gwaith, lles, hyfforddiant ac effaith Covid-19.

Wedi'i ddatblygu gyda Llywodraeth Cymru, undebau llafur a chyflogau yng Nghymru, mae'r arolwg ar agor i staff mewn ysgolion, addysg bellach, dysgu seiliedig ar waith a gwaith ieuencid.

Mae'r arolwg yn ddwyieithog ar-lein ar www.ewc.wales/aga-ewc.



Gwobrau Heddychwyr Ifanc 2021

A hoffech chi i'ch disgyblion ennill cydnabyddiaeth am fynegi'u gweledigaeth a'u barn am heddwch a dinasyddiaeth fyd-eang mewn digwyddiad rhyngwladol yng Nghymru?

Os felly, a wnewch chi eu hannog i ymgeisio am [Wobrau Heddychwyr Ifanc 2021](#)?

Mae **Canolfan Materion Rhyngwladol Cymru (WCIA)** yn dathlu pobl ifanc sydd wedi cyfrannu at heddwch a dinasyddiaeth fyd-eang yn eu hysgol, eu cymuned leol neu'n fyd-eang mewn amrywiol ffyrdd. Rydym yn cydweithio ag **Eisteddfod Gerddorol Ryngwladol Llangollen** i gynnal **Seremoni Wobrwyo Heddychwyr Ifanc ar lein ar Ddiwrnod Heddwch, 9 Gorffennaf** lle bydd pobl ifanc yn rhannu'r hyn maen nhw wedi'i gyflawni a derbyn tystysgrif a gwobr.

Am fanylion pellach, ewch at Wefan y WCIA [yma](#).

Felly, beth ddylwn i ei wneud yn awr?

A wnewch chi annog cynifer o ddisgyblion / pobl ifanc ag y bo modd i roi cais i mewn am wobwr!

Gall pobl ifanc unigol neu grwpiau rhwng 5 a 25 blwydd oed gyflwyno cais o dan y [gwahanol gategoriau](#), yn Saesneg neu yn Gymraeg. **Sylwch nad yw'r gwaith yn gorfod bod yn rhywbeth newydd.** Gall gynnwys prosiectau mae eich ysgol wedi bod yn **gweithio arnynt** – e.e. fel rhan o'r broses o ddod yn [Ysgol Heddwch](#).

Y dyddiad cau ar gyfer ceisiadau yw 11 Mehefin! Anfonwch geisiadau atom gan ddefnyddio'r ffurflen y gellir ei lawrlwytho o wefan y WCIA [yma](#).

Edrychwn ymlaen at ddathlu cyflawniadau disgyblion o'ch ysgol / grŵp ieuencid / coleg **ar 9 Gorffennaf!** Yn y cyfamser, os oes gennych gwestiynau, cofiwch gysylltu â'r Cydlynnydd Addysg Heddwch trwy anfon e-bost at: janeharries@wcia.org.uk.



Sesiwn rhannu gwybodaeth am Ysgolion Cymunedol yng Nghymru



Ymunwch â'r digwyddiad ar-lein hwn sy'n cael ei gynnal gan y British Council.

Cyfle i glywed gan athrawon, elusennau ac arbenigwyr rhyngwladol am y Model Ysgolion Cymunedol sy'n cynnwys partneriaethau amlasiantaeth, ymgysylltu â theuluoedd ac iechyd a llesiant. Dydd Mawrth 27 Ebrill 15.30 – 17.30. Rhagor o wybodaeth a manylion cofrestru [yma](#).



Mae'r Wythnos Dysgu Awyr Agored yn Ôl



Mae'r Wythnos Dysgu Awyr Agored yn ôl eleni, gyda gweithgareddau'n cael eu cynnal 19-25 Ebrill. Oherwydd cyfyngiadau Covid-19, bydd y rhain yn cael eu cynnal yn rhithwir – ond bydd digon o gyfle i bobl ledled Cymru gymryd rhan a threulio amser yn yr awyr agored.

Yn ystod yr Wythnos, bydd CNC yn cynnal cyfres o sesiynau hyfforddi ar gyfer addysgwyr, gan gynnwys athrawon, gwarchodwyr plant, arweinwyr meithrinfeidd a Chylchoedd Meithrin, a rhieni. Bydd hefyd yn rhannu adnoddau dysgu awyr agored a syniadau am bethau i'w gwneud gartref neu yn lleol – yn unol â chanllawiau Llywodraeth Cymru.

Rhagor o fanylion:

- Am fwy o wybodaeth ac i gofrestru ar gyfer un o sesiynau hyfforddi CNC, ewch i [Tocyn Cymru](#)
- Am adnoddau, gweithgareddau a gemau dysgu yn yr awyr agored, ewch i www.cyfoethnaturiol.cymru/dysgu
- I weld rhaglen weithgareddau lawn Wythnos Dysgu Awyr Agored Cymru ewch i www.walescouncilforoutdoorlearning.org



"Mission Earth!": Cyfres Microsoft & Adobe Education

Dewch i ymuno ag Adobe a Microsoft i feithrin sgiliau sy'n bwysig i fod yn barod am y dyfodol: creadigedd, cyfathrebu, cydweithio a meddwl cyfrifiadurol yn eu gweminarau *Mission Earth*. Bydd y gweminarau yn cyfuno STEM â chreadigedd ac adrodd stori: caiff dysgwyr gyfle i ddysgu sut i godio o fewn Minecraft a chreu fideos neu dudalennau gwe efo Adobe Spark! Mae'r gweminarau i ddysgwyr cynradd ac uwchradd. Nid oes angen profiad, bydd Microsoft ac Adobe yn eich arwain chi yr holl ffordd! Cewch ddarllen mwy a chofrestru yma.

MINECRAFT
EDUCATION EDITION



X



Microsoft



Adobe

post@gwegogledd.cymru

